

Чехословакин селәнә эдл-ахун кооперативсин күцврмүд

ПРАГА, декабрин 25. (ТАСС). 1957 джил Чехословацк крестьянств коллективн күч-көл-снә хаалгъд нег мөслдж орл-гъна джил болв. Эн джил селәнә эдл-ахун ниилгсн шин 3 минъгъ шаху кооперативс бүрдәгдв. Ода орн-нутгар селәнә-эдл-ахун ниилгсн 11 минъгъ гар кооперативс бәәнә. Цуг хагългдх газрин ик зуугъинь эдн эдлджәнә. Социалистическ сектор (селәнә эдл-ахун ниилгсн кооперативс, госхозсла хамдан), тәрәнә газрин 65 процентинь эзджәнә.

Чехословакин селәнә эдл-аху эн джил, нидн джилинкәр болхла зөвәр даву ик продукц өгв. Шикрин свекл гектар болгънас дундлад 300 центнер шаху ургъц өгв. Эн, сүл хөрн долан джилд авсн әмтин ик ургъцнь. Тәрә хуралгъна цаг кәдлмшт таас уга бәәсн болв чигн, буудән ургъц хуралгън эн джил, ниднинк-дорхнь хөрн хонг эрт дуусгдв.

Селәнә эдл-ахун ниилгсн кооперативсәр тәрәнә кәдлм-шин механизаци, газр хагълдж эдлгънә культур болн мал өсклгън өддлүлгдв.

Кемрджән 1937 джил Чехословакд минъгън гектар газрин тоод 1,5 трактор күртдж бәәсн болхла, ода 6 трактор күртнә.

Республикин селәнә эдл-ахуд ода (15 мөрнә чидлтәгъяр тоолхд) 40 минъгън трактор кәдлджәнә. Эн джил ГС-н машинә парк 14 процент өсв. Гурвн джил урд Чехословакд буудән 560 комбайн бәәсн болхла, ода 3 минъгъ гар комбайн бәәнә. Селәнә эдл-ахун машин тосхлгъна предприятис эн джил селәнә эдл-ахун шин хөрн зүсн машин кедгиг дасв. Тедн дунд свекл хурадг комбайн, бодницг хурадг, нань чигн машин бәәнә.

Ганцхн нидн джилд кооперативсин члед-крестьян улсин күртм орунь 10,4 процент өсв.